

# Wolf e Tomaschett in ferm duo

Tir campionadi svizzer arma e pistola diesch meters

DA GION NUTEGN STGIER/FMR

■ La garda giuvna dals tiradurs e da las tiraduras dal Grischun ha persvas tar l'occurrènz naziunala a Berna. La bilantscha dal campionadi svizzer: quatter medaglias. Ina schizunt dad aur. A Berna ha gi lieu il campionadi svizzer schluppet e pistola sin la distanza da diesch meters. Ord vista grischuna è quella occurrènz stada in success. Tar l'elita è Lars Färber (Favugn) vegnì campion svizzer cun la buis. Il commember dal cader naziunal ha tratg en il final 248,2 puncts 1,9 puncts dapli che ses concurrent turitgais Pascal Bachmann.

En quella categoria è la concurrenz stada fitg ferma ha tranter auter er sajettà cun Gilles Dufaux in dals megliers tiradurs svizzers. Tratg precis han lura er Chris Wolf ed Annina Tomaschett tar ils juniors cun l'arma pneumatica.

### Chris Wolf vicecampion svizzer

Campion svizzer dals juniors U21 cun l'arma pneumatica è vegnì Sven Bachfner dal chantun Turitg. En il final ha el tratg precis e suenter il 12avel da 24 culps er adina stà a la testa da la concurrenz. L'avantatg sin ses concurrents è adina vegnì pli grond ed er l'avantatg sin Wolf, il mat da Trun. Quel ha a la fin tratg 6,6 puncts damain che Bachfner e vegnì vicecampion svizzer. Per il mat da 19 onns in bel success en sia carriera giuvna.

### Terz post per Annina Tomaschett

Ina ulteriura medaglia è ida a Trun grazia a la buna prestaziun d'Annina To-



Adina dapli mattas sajettan sin la distanza da diesch meters cun l'arma pneumatica. Ina da quellas è er Annina Tomaschett, emprima da dretg. FOTO SWISS SHOOTING

maschett. En la categoria junioras U19-U21 è ella vegnida terza e guda gnà uschè la medaglia da bronz. Schizunt ina medaglia d'argient ha Tomaschett fatg en la categoria mixed arma diesch meters. Sajettà quella concurrenz

ha ella cun ses ami da squadra Chris Wolf. Be pli ferm ch'il duo grischun è stà il duo da la Svizra centrala cun Sandra Arnold e Silas Stadler.

In fatg plaschavel è lura er il success da Tim Wolf, il giuven tiradur dal Partenz.

Cun la pistola è el diventà campion svizzer tar ils juniors U21. Persvas ha el gia durant la qualificaziun cun bunamain declassar la concurrenz.

Vers la fin dals 24 culps finals è el vegnì in pau nervus e n'ha pli sajettà sche

perfetg. Alla fin hai tuttina tenschì a Wolf dal Partenz da vegnir campion svizzer cun in avantatg da 3,6 puncts sin Sacha Blaser, in tiradur da la Svizra occidentala che ha medemamain giu in fetg bun di al campionadi.

RTR PER VUS AL PULS DAL GRISCHUN rtr.ch

## RADIO

### 14.03 NOSS CHORS (rep.)

#### L'aurora

Chanzzuns rumantschas che dechantan l'aurora – la levada dal sulegl che la natira regala di per di a nus.



Mintga di sa preschenta l'alva da la damaun cun novas colurs ed impressiuns che accumpognan dal pli flavel radi da glisch fin tar la clerezza splenduranta dal di. In spectacul che bieras chanzzuns rumantschas prendan sco exempel. Tranter auter era cun «La selva sededesta», «Aurora en muntogna» ubain «La not es passada». Redacziun: Dominic Poble

### 19.00 L'INSTRUMENTALA

#### Ensembles d'instruments da sturs

Ins po dir ch'il ensemble da brass è naschì l'onn 1951 cun il Philip Jones Brass Ensemble. Philip Jones ha fundà questa gruppa d'instrumentalists da sturs ed ha cumenzà d'arranschar musica dals differents genres per la furma d'ensemble.



Quella nova scena è creschida e vegnida pli e pli vasta en fin il di dad oz. En «L'instrumentala» dad oz pudais Vus tadlar ina selezziun da las pli enconuschentas furmazions naziunalas ed internaziunalas. I spetga in'ura vasta ed interessanta, perquai che mintg'ensemble ha sviluppa ses agen stil e posseda in caracter unic. Redacziun: Christa Soliva

### 20.03 PROFIL (rep.)

#### Barbla Etter – «Id es bler pli efficiant schi s'ha üna buna tecnica»



Quai è l'istorgia d'ina figlia d'in pur da Madulain cun ina fascinaziun per maschinas grondas cun motor da diesel, che vegn pir stancla suenter esser currida 15 uras al toc, cun in doctorat da sociolinguistica en satg, che ha bandunà l'academia perquai ch'ella chattava ch'i vegniva analisà memia blers texts vegls, empè da sa deditgar a temas actuals da la politica da linguas. Dentant è ella scheffa da la secziun navigaziun tar l'Uffizi federal da traffic e responsabla per tut quai che ha da far cun bartgas en Svizra. Ma ch'ella è insumma arrivada en questa posiziun è atgnamain in cas ed ha da far cun sias bunas conuschentschas da linguas latinas. E cun sia fascinaziun per maschinas. E per tecnica. Cun la dretga tecnica èsi numadamain blier pli simpel da vegnir a l'arrivada, di Barbla Etter, il giast da quest «Profil». Saja quai la tecnica sin la pista da

passlung u quella dals motors da las bartgas da commerzi.

Redacziun: Anna Serarda Campbell

## TELEVISIUN

### 8.35 CONTRASTS SIN SRF INFO (rep.)

#### Dal Sennhof a Tignez – ina praschun fa midada

In film da Gieri Venzin.



Dacurt ha gi lieu a Cuira in eveniment istoric: ils 47 praschuniers dal Sennhof èn vegnids transportads en la nova praschun a Cazas Tignez. Sulettamain RTR ha dastgà accumpagnar quella bardigliada cun in team da camera. Il film «Dal Sennhof a Tignez» mussa las preparaziuns per la nova praschun da Tignez, actualmain la pli moderna ch'i dat. Ed il cumià dal Sennhof ch'era ina da las pli veglias e diras praschuns en Svizra. A pled vegnan: Ines E. Follador-Breitenmoser, la directura da la nova praschun grischuna, il maister da la scrinaria Ignaz Flepp ed il survegliant Isidor Derungs. Omadus lavuran dapi decennis ensemen cun praschuniers. (Ulteriuras repetiziuns a las 9.35 e las 12.50 sin SRF info)

## RADIO RUMANTSCH

00.00	Novitads SRF	11.15	Co e cum
00.03	Grischun sonor	11.30	Novitads
01.00	Novitads SRF	11.45	Total local
01.03	Grischun sonor	12.00	Novitads
02.00	Novitads SRF	12.06	RTR da mezdi
02.03	Grischun sonor	12.15	Cumpact da mezdi
03.00	Novitads SRF	12.25	Prevista Telesguard
03.03	Grischun sonor	12.30	Rendez-vous SRF
04.00	Novitads SRF	13.00	Las gratulaziuns
04.03	Musica populara	14.00	Novitads
05.00	Novitads SRF	14.03	Rep. Noss Chors
05.03	Musica populara	15.00	Novitads
06.00	Novitads	15.03	Musica
06.06	RTR da bun'ura	16.00	Novitads
06.30	Novitads	16.03	Sempervèrds / Top 3
06.40	Impuls	16.30	Program da kino
07.00	Novitads	16.50	Prevista Telesguard
07.06	RTR da bun'ura	17.00	Novitads
07.30	Novitads	17.06	RTR la saira
07.40	Kikeri6	17.30	Novitads
08.00	Novitads	17.50	Novitads da sport
08.06	RTR da bun'ura	18.00	Novitads
08.30	Novitads	18.06	Revista dal di
09.00	Novitads	18.15	Musica
09.05	La cuppina	19.00	L'instrumentala
09.15	Il chalender	20.00	Novitads
09.45	Tge chaussas	20.03	Rep. Profil
10.00	Novitads	21.00	Novitads
10.15	Tips, trics e tacs – Nossa cuschina	21.03	Musica
10.30	Famus e glorius	22.00	Novitads
10.55	Rep. Impuls	22.03	Musica
11.00	Novitads	23.00	Novitads
11.03	RTR da mezdi	23.03	Musica

**SGUARD DAVOS LAS CULISSAS DA #RTR? SUANDAI NUS SIN INSTAGRAM**